

Ooldejaorsaovend

Ni'jjaorsdag

vri'jdag

zaoterdag

31

1

december

week 52

jannewaori



Veul heil en zegen in 't ni'jjaor
Wi'j' niet geven dan laot 't mar
Dan weens ik je zeker en gewis
Een bochel op je verdommenis

(Makkinge)

2010/2011

Sjoukje Oosterloo

Dag kastboom!

De kastdaegen die ik veur de eerste keer vieren zol zonder him. Ik zag d'r tegen op as een barg, mar ik nam me veur om flink te wezen.

Drie weken leden heb ik een aorig gruuu kastboompjen in huus haeld. Tot twie keer an toe is hi'j ommevalen, en daor bin ik hielendal niet veraldereerd over. Ik mit mien stuntelige gedoe, ik miste zien sterke hanen om de boom goed stevig daele te zetten. Hi'j was d'r niet meer om me te helpen. Och ja, ik kon hulpe genoeg kriegen om de boom een goed plakken te geven, mar die hulpe sleug ik of. Eigenwies as ik was, docht ik: ik moet toch flink wezen!

Doe mien boom aovens in de hoeke van de kaemer ston te straolen mit al zien lochies, was ik d'r hiel bliede mit. Mien boom zag netuurlik wel hoe zenewachtig as ik was, doe ik veur de aldereerste keer zonder mien man naor de kastnaachtdienst gong. Netuurlik hadde et niks vanneuden om zenewachtig te wezen, ik gong ja mit mien beste vrundinne? Mar toch...

Alderdeegst Oold en Ni'j kwam ik aorig goed deur, ok al miste ik him meer as oot.

Ja, lieve kastboom, de tied dawwe tegere weren is bi'jkaans omme. Wat triest staoj' daor in de hoeke van de kaemer now ik al je lochies en de kleurde ballen uut je takken plokt hebbe. Uutvalen zullen je takken vottaolik wel niet vanwegens mien traonen die ik vandaege over je takken stromen laoten heb. Flink wezen lokt now ienkeer lange niet altied... Dag kastboom!